


**AWIG - AWIG DESA ADAT BANGAL
DESA MUNDEH**



**KEC. SELEMADEG
KAB. DATI II TABANAN**

M U R D H A W A K Y A

Om Awighnamastu nama Sidham.

Malarapan saking panthyaning kalih pasewan Ida Sang hyang Parama Kawi sampun asung kerta nugraha nrawentenang kauripan kalih genah pasayuban ring desa pekraman rawuhing kulawarga saha pawongannya.

Maka don kaswastining bhuawana kalih, titianing krama Desa Adat Bangsal nratuti nrajegang tata susila, tata krama sane mawit saking sunar kasucian agama Hindu mapamuger Panca sila, lan Undang-undang Dasar 1945, sane dados panyejer Negara Nerepublik Indonesia witing wit uger- uger adat istiadat sejeroning Negara Republik Indonesia rawuhing desa pekraman nranutin Tri Hita karana, mapesamelan - tuk daging unteng - unteng Tri Rna, Tri Samaya, Catur dresta manut desa kala patra, madasar pasikian manah mapidab - dab nemesang tulung - tinulung pasilih asih, sumanti sida memangguhang sukerta trepti rahayu sejeroning desa pekraman rawuhing pawongannya soang-soang.

Wit saking sredhaning manah mangda pastika maderbe sepat siku-siku pamayut, wastu sidaning don jeroning midab dabin desa adat titianing krama Desa Adat Bangsal sinareng - sami nyikianing manah nerraremin kalih nyungkemin awig - awig Desa Adat Bangsal sane munggah ring sarga, Palet miwah paos sakadi inucap ring sor puniki.

OMSANTY.....SANTY.....SANTY.....Om.

SARGA I

ARAN LAN WEWIDANGAN

Paos 1

1. Desa adat puniki mawasta : Desa Adat Bangal.
2. Jebar kakuwub wewidanganmawasta nyatur :
 - a. Sisi Kangin : Tukad Yeh Aah.
 - b. Sisi Kelod : Desa Adat Pengedan, Desa Adat Auman lan Desa Adat Penataran.
 - c. Sisi Kauh : Tukad Yeh Sibuh.
 - d. Sisi Kaler : Desa Adat Belatungan.
3. Desa puniki kawangun antuk pupulan karang paumahan.

SARGA II

PETITIS LAN PAMIKUKUH

Paos 2

- Desa Adat Bangal ngemanggehang pamikukuh minakadi :
- a. Pancasila.
 - b. Undang-undang Dasar 1945 pemekas pasal 18.
 - c. Tri Hita karena manut sada cara agama Hindu.

Paos 3

Luir pamikukuh Desa Adat Bangal.
Mikukuh miwah ngerajegang Sanghyang Agama.
Nginggilang tata prawertin meagama.
Ngerajegang kasukertan Desa saha pawongannya, sekala lawan Niskala.

SARGA III
SUKERTA TATA PEKRAMAN

Palet 1

Indik Krama

Paos 5

1. Sane kebawos krama Desa inggih punika :
Kulawarga sane megama Hindu saha ngamong karang paumahan,
tur nyungkemin Kahyangan Tiga Desa Adat Bangal.
2. Sejaba punika sinanggeh tamiu.

Paos 6

1. Sehanan krama Desa Adat Bangal sane sampun merabian patut tedun ngayah.
2. Manut kerendahannya patut tedun ngayah luire :
 - a. Ayahan marep (saungkul).
 - b. Ayahan balu (balu luh lan muani).
3. I Krama desa sane sampun merabi, manggeh penyeledi negen ayahan reraman ipun.
4. I Krama Desa sane maderbe putera lintangan ring adiri, yan sampun merabi patut tedun ngayah manut pararem.
5. Sulur ngeranjing makrama, kasulurang manut pararem.

Paos 7

Ngawit dados krama Desa.

- a. Sangkaning ngamong karang paumahan.
- b. Mawiwit saking pawiwahan.

Paos 8

Panumayan tedun makrama Desa :

Sesampun ipun masadok ring prajuru, lan upacara pekala-kalan tur panumayannya kasulurang manut pararem.

Paos 9

Sinalih tunggil warga krama Desa wusan makrama, prade kula
warga inucap luiire :

- a. Matilar saking desa adat Bangal.
- b. Seda/padem.
- c. Kenorayang.
- d. Kausang antuk krama.
- e. Indik wus makrama Desa Adat, kasulurang manut pararem.

Paos 10

Warga Desa Adat Bangal sane wusan makrama, nenten polih -
pah-pahan druwen Desa.

Paos 11

1. Warga Desa Adat Bangal sane wusan/kawusang makrama, ke
ngin ngeranjing malih, kasulurang manut pararem.
2. Panayah punika dados ngampel (sane magenah ring dura
desa adat) agung alitnya pengampel punika manut pa -
rarem.
3. Pengayah punika dados ngewakilang, kewakilin antuk sane
sampun mayusa sakirangnyane 16 warsa.
4. I krama desa dados kawusang ngayah/nyade, risampun ma -
yusa 60 warsa utawi lintangan, miwah yan sampun wenten
nyade kasulurang manut pararem.

Palet 2

Pengayah Kalih Paturunan

Paos 12

1. Pengayah sane ngarep, keni ayahan muang paturunan sawung
kul.
2. Balu muani maderbe pianak muani kewanten, keni ayahan -
muani.
3. Balu luh maderbe pianak luh kewanten, keni ayahan luh.

4. Balu remban luh wiadin muani yening maderbe pianak sampun daha wiadin teruna 16 warsa keni ayahan saunakul.
5. a. Yening wenten I Krama Desa ubuh sampun daha, teruna keni ayahan.
b. Yening wenten I Krama Desa nunggal dihi, daha/teruna 16 warsa keni ayahan atenga.
6. I Krama Desa kedadosang mapuanakid, perade/rikala ngawen - tenang wewangunan, ngerabin, mayadnya, nandur matepetin sikit, ngerawuhin panggilan ring guru wisesa, dados nyade (nyuksukin), nyade (mademang ayah-ayah) numbas tur kasulurang manut pararem.

Paos 13

Leluputan ayahan paturunan muang papeson :

Prajuru adat, pemangku Tri Kahyangan swarga desa/krama desa, sane sakit tan tinamban, kasulurang manut pararem.

Palet 3

Prajuru/Dulun Desa

Paos 14

1. Krama Desa Adat puniki keenterang antuk :
 - a. Bendesa Adat.
 - b. Penyarikan.
 - c. Petengen.
 - d. Juru arah.
2. Prajuru sane menggah ring ajeng kapilih wiadin kawusang olih paruman kerama.
3. Prajuru Desa sane menggah ring ajeng kapilih wiadin kedadosang nyabran 3 (tiga) warsa, pengelaksanannya manut pararem) sejawaning wenten pariindik mabuat, dados kapilih malih.

- 5 -
Palet 4

Swadarmaning Bendesa Adat

Paos 15

1. Ngenterang pelaksanaan sedaging awig - awig.
2. Nuntun tur ngenterang krama antuk patitis, ngupadi sukertan Krama.
3. Maka duta Desa, matemuang bawos ring sapa sira ugi.
4. Mawosin kalih niwakin pamutus arep ring wicara warga desa.
5. Sejeroning ngenterang kasukertan niskala, Bendesa Adat, ming singgihang Pemangku Kahyangan Tisa.
6. Prade prajuru iwang pengelaksana keni pamidanda manut pararem.

Paos 16

1. Prajuru kengentosin riantukan :
 - a. Seda.
 - b. Pinunas ngeraga.
 - c. Kawusang olih krama.
2. Indik ngawusang Prajuru, kasulurang manut pararem.
3. Ngentosin prajuru, patut sejeroning paruman, tur kainkupin antuk krama Desa.

Palet 5

Indik Kulkul

Paos 17

1. Kulkul ring Desa Adat Bangsal luire :
 - a. Kulkul Desa.
 - b. Kulkul Banjar/Kulkul Tempekan.
 - c. Kulkul sekehe-sekehe.
2. Tabuh tempekan kulkul Desa .
 - a. Atuludun lambat, tengeran turun ngayah.
 - c. Atuludun bulus, tengeran kepanca baya.

3. Tengeran kulkul ring soang-soang bebanjaran :
 - a. Kalih tuludun bulus tengeran ngerorod (nganten).
 - b. Atuludun lambat pinetiga, mitauwang kulkul seda.

Paos 18

1. Kulkul Desa utawi banjar tan wenang ketepak yening - tan sangkaning pituduh prajuru, sejawaning tengeran kepanca baya.
2. Sang nepak tan sangkaning pituduh, patut digelis atur upeksa, maka buatan penepake, yan tan asapunika, wenang sang mamurug kedenda manut pararem.
3. Kulkul tempekan utawi kulkul sekehe-sekehe tan kalu gra matuhin utawi nyawerin kulkul desa adat, prade mamurug kedenda manut pararem.

Palet 6

Indik Paruman

Paos 19

1. Peparuman wenten tiang soroh luire :
 - a. Peparuman Desa Adat enem sasih episan.
 - b. Peparuman Prajuru/Dulun Desa manut kabuatan.
 - c. Peparuman napkala (patgato kalo) maka jalaran arah arahan manut kabuatan.
2. Peparuman kengin kalanturang, risampun kerawuhin antuk - pah tiga olih pupulan krama.
3. Peparuman kengin kelanturang risampun kekawitin antuk penyaktak tur abusana adat bali.
4. Tan kalugra nrawetuang suara goro utawi biuta, sapa sira mamurug keni pamidanda manut pararem.
5. Sepasira usi I Krama Desa cedok ring sinalih tunggil pe paruman, kedanda asung alitnya manut pararem.

6. Sang sane nyedokin peparuman/^{jayaban} kengin luput dendaan yening:
- Kapiambeng sakit.
 - Matepetin sakit.
 - Kependeman.
 - Kapiambeng karya suka - duka.
 - Muang sane siosan, yan sampun masadok ring prajuru.

Paos 20

- Sangkepan prajuru kawenang wantah ngerincikang pengeren - cana usaha Desa Adat kapungkuran.
- Sangkepan Prajuru/Duhun Desa Adat tan kawenang - ngawedalang tategenan ring krama Desa Adat sedereng ka- ingkupan olih Krama.

Paos 21

- Putusan peparuman sinangreh pararem pastika yening sampun kainkupan antuk lintangan ring atenga saking sane parum.
- Prade peparuman tan nemedalang pamastika, kengin ngawen - tenang peparuman neantos ping tiga, prade taler tan pasti- ka, I Prajuru dados matur superksa ring sang rumawos/sang ngawiwenang.

Palet 7

Indik Druwen Desa

Paos 22

Padruwen Desa Adat Bangsal minakadi :

- Kahyangan Desa luwire :
 - Kahyangan Tiga (Pura Puseh, Pura Desa lan Pura Dalem).
- Betra Desa Adat Bangsal.
- Tiosan ring ajeng wenten malih penyiwian Desa Adat inggih punika Pura Puseh Ibu.

Paos 23

Piolih-piolihan Desa Adat luire :

- a. Piolih - oilihan saking usaha Desa Adat.
- b. Urunan krama Desa Adat.
- c. Kercen - kercen miwah sane siwosan.

Paos 24

1. Prajuru wenang ngetengan pamupon laba Pura lan sepenung galnya (manut pararem.)
2. Pikolih lan pamuponnya keanggen prabyan kabuwatan Desa Adat.
3. Nyabran pesangkepan, prajuru ngawentenan pariindik, nata-sang padruwen Desa.
4. Sakaluiring padruwen Desa patut wenten ilikitannya.
5. Tan kalugra ngadol utawi ngesahang padruwen Desa, yan tan kasungkemin antuk I Krama Desa.

Palet 8

SUKERTA FAMITEGEP

Kaping 1

Karang, tegal lan Carik

Paos 25

1. Saluiring karang paumahan, tegal, carik miwah teba patut pastika wenten bates ipun.
2. Pemedalan ke margi wiadin karurungemangda tan kabebeng.
3. Wates sisi kaler muang kangin patut kapiare olih sang - madruwe karang, tegal carik lan teba, santukan kawastanin magaleng kaluan.
4. Telajakan ring margine kapiare olih sang maderbe karang.

Paos 26

1. Sinalih tunggil krama Desa tan kalugra :
 - a. Ngalah - alah margi, telajakan Desa lan karang penyanding.

b. Ngalah -alah tanah tegal, carik, tebak Kahyanan, teba
lan setra.

2. Prade wenten sakadi ring ajeng, sang ngalah-alah patut
nrewaliang tanah inucap saha keni arta denda, muang -
dewa denda manut pararem.

Kaping 2

Indik Pepayonan

Paos 27

1. Nrawit namem tanem tuwuh, patut adepa agung nrajeroang
prade nraliwal bates kasepat kantungin.
2. Yening wenten tataneman nraunkulin, semalihe mawasta -
mayanin kapisage, patut kaware antuk paikum ping ajeng
parasida sang nraueang nraebah wiadin notor.
3. Prade tanem tuwuh punika rubuh tur mayanin anak sios-
an patut sang maderbe taru punika negen prabyan sang
keni baya muang pangaskara karang inucap.
4. Tetaneman sane rubuh punika ketawan olih sang baya.
5. Yening wenten anak nunas penebasan taru, gumanti sede-
reng panumayan tarune mayanin, sang maderbe luput sa -
king tetegenan baya.
6. Yening panumayan sampun telas tur durung ketelasin sang
sane kaunkulin dados nelasin, tur taru punika kabukti -
oliha sang sane notor sesampun masadok ring prajuru.
7. Yening panumaya. sampun telas, taler durung katelasin
yening punkat mawiwit angin utawi sang maderbe taru -
negen prabia kadi ring ajeng.

8. Sang sane piwal ring pidabdab Desa Adat, keni denda manut pararem, a sane alitnya sane keambii tur kaumuman ring peparuman.
9. Krama Desa wenang miara kearian papayonan.

Kaping 3

Indik Wewangunan

Paos 28

1. Wewangunan tan kuasa ngungkulin ngaliwat bates.
2. Wewangunan tan kuasa ring wates sane wenten dumunan.
3. Tan kuasa ngembahang toyo ke wates anak tiosan (toyon - wewalungan, toyo WC, pasiraman miwah sane siosan.
4. Tan kuasa ngentungan lulu kekarang anak siosan/telajakan toyo.
5. Sang sapa sira mamurug, kedanda manut pararem.

Kaping 4

Indik Wewalungan

Paos 29

1. Sahananing watesa desa sane mamiara wewalungan, mangda/patut sayasa nitenin tur negul, ngandangin wiadin ngelogorin wewalungan suku empat.
2. Yening wenten wewalungan ngeleb, malubar kantos ngerusak-peabianan anak siwosan, bilih-bilih ngeranjing ring karang suci sang keberatan patut masadok ring prajuru.
3. Wewalungan punika ketawan, tur penebasannya manut ring sudo sane katitenin olih prajuru.
4. Wewalungan sane ketawan yening padem, saking tan kekardinin sane sane maderbe tan kengin ngarsayang panyinkuh, sane sane keni prabya.
5. Wewalungan sane ketawan, yening tising rahina tan wenten - mari anken patut keaturang ring prajuru desa tur katitenin manut pararem.

Kaping 5

Penyanggran Banjar

Paos 30

1. Sahanan krama desa patut nyanggra pituduh utawi kekuat saking Guru Wisesa, sane wenten kabuatannya minakadi rikala: Galungan, Kuningan, Nyepi muang sane siosan.
2. Sahanan pekaryan pasuka duka ring Desa Adat Bangal patut kesanggra antuk krama Desa Adat, saha kelaksanayang jantos puput.
3. Sahanan pepeson penyanggra karya inucap kasulurang manut pararem.
4. Sapasira usi krama desa tan makta peson-peson sane kekeniang, kedenda manut pararem.

Kaping 6

Dusta Miwah Baya

Paos 31

1. Desa Adat Bangal nyulurang krama kalaning kehanan baya ring sejebag kakuwub desa adat.
2. Yan desane kehanan baya, mangda kawentenang yadnya pengelah ayu, kapikukuh antuk paruman desa, agung alit manut pararem.

Paos 32

1. Sang kehanan baya mangda masadok ring prajuru.
2. Sang manggihin sehanan baya, mangda digelis nepak kulkul penepake manut kehanan baya.

Paos 33

1. Sang kacihnang ngawinang sehanan baya utawi saruron ring corah, ring desa keatur uningayang sang ngawiwenang, tur sang inucap keni danda manut pararem.

SARGA IV

SUKERTA TATA AGAMA

Palet 1

Indik Dewa Yadnya

Paos 34

1. Sane kemanggehang Kahyangan Tiga Desa Adat Bangal inggih punika : Pura Puseh, Pura Desa, Pura Dalem.
2. Kahyangan sane manggeh ring ajeng, prabyan pengaci- aci, kamedalin olih warga Desa Adat.
3. Aci ring kahyangan inucap manut kecap sastra agama, saha kelaksanayang nista, madya, utama manut pararem.
4. Sehanan upacara inucap kaanteb olih pemangku tur kapi- dabdab olih Bendesa Adat.

Paos 35

1. Prajuru tan maren nuntun krama Desa mangda sehanan Widhi widara anut ring kawentenannya, upami Galungan, Kuningan, Saraswati, Siwaratri lan Nyepi.

Paos 36

Bacaan Cendala sane tan dados ngeranjing ke Pura/Kahyangan :

- a. Jadma luh ngeraja sewala (tigang rahina) sedereng mekramas.
- b. Sebel maderbe putra selami 42 rahina.
- c. Sehanan jadma patite, sakit ila, buduh sadurung malukat manut sastra agama.
- d. Sato agung ngawit bawi ngamenggehang, sajawaning (piodalan - mapepada).
- e. Sehanan letih manut sastra agama ; bok, getih, tulang, saluir - ing wiwitan watang lan layudan pitra yadnya.
- f. Sebel penganten selami dereng mabyakala.
- e. Sebel riantukan maderbe kulawarga kependendeman selami rehina (Desa Adat 3 (tiga) rahina).
- h. Sedereng polih pituduh prajuru manut pararem.

Paos 37

1. Tan kenin ngeranjing ke kahyangan patut mapanngke Adat Bali.
2. Tan kenin mewarih, mabacin, makolem dados asiki lanang isteri, nambahang rambut sejawaning kelingsih, wak purusya mayuda, manngah tedun ring pelingsih/penyenger.
3. Sang sane mamurus ring paos 36,37 ring ajeng kasisipang antuk dewa denda muang artha denda manut pararem.

Paos 38

1. Sehanan Yadnya/piodalan ring Desa Adat Bangal katitenin olih prajuru.
2. Piodalan ring Pura Puseh, Pura Desa duk rahina Buda Keliwon, Wuku Matal.
3. Piodalan ring Pura Dalep lan Marajapati duk rahina Soma Wage wuku Kulantir.
4. Piodalan ring Pura Dang Kahyangan Pura Puseh Ibu duk - Purnama Kapat.
5. Pioli - olihan ring tepengan piodalan, lan pinauran ketengan olih prajuru tur nyabtan pesankepan kauningan arep ring krama Desa.

Palet 2

Indik Resi Yadnya

Paos 39

1. Ring soang - soang Pura Kahyangan Desa Adat Bangal kawen tenang Pemangku.
2. Prabyan adiksa widi ring Pemangku, kemedalin olih Krama-Desa Adat.
3. Para Pemangku tan keneng cuntaka.
4. Ring sadane kewekas, krama desa adat Bangal maweh dana - pitra yadnya utawi atiwa-tiwa akeh ipun manut pararem.

Paos 40

1. Ngedang Pemangku manut dudonan minakadi :
 - a. Sakine turunan.
 - b. Nyanjan.
 - c. Turun bunsa/pilihan desa.

- d. Pidabdab n'ade'ang Peman'ku inucap kasulurang manut pararem.
2. Bacaan Candala sane mun'ah larangan n'ade'ang peman'ku :
 - a. Cenda angga luire : Peceng, Perot, Canggih lan sepenunggalnya.
 - b. Sakit ila, buduh, ayan lan sepenunggalnya.
 - c. Sane maderbe kasucian urip tan becik.
 - d. Sang sapa sira ugi sane tan kadadosang manut pararem.
 3. Peman'ku kawusang sangkaning :
 - a. Pinunas ngeraga.
 - b. Seda/padem.
 - c. Kawusang olih krama desa.
 - d. Tan nganutin swadarman ipun (swadarman Peman'ku).
 4. Sang sapa sira n'angge (n'ererah) Peman'ku tat kala wenten plodalan utawi yadnya lianan ring Kahyangan Desa adat, mangda polih panugrahan prajuru.
 5. Prade Peman'ku kapiambeng, kengin ngangen Peman'ku kahyangan Tiga (Peman'ku Desa Adat) siosan, mangda ketetinin olih - prajuru.

Paos (41)

1. Swadarman Peman'ku luire :
 - a. Nuntun krama Desa, n'emanggehane kesucian kahyangan.
 - b. Mun'ah tedun ring kahyangan Desa Adat.
 - c. Midabdabin/ngilenang yadnya ring kahyangan penyiwian manut genah soang-soang.
 - d. Rajeng nganutin sesanan Peman'ku.
 - e. Tan wenang salab sulub ring genah letuh, yan mamurug Peman'ku punika nyepuhin rasa.

1. Prade mamurus ring paos 40 punika pamaneku wenang keni dewa danda lan artha danda manut pararem.

Paos 42

Petias utawi piilih-oliha Pamaneku.

1. Penyolongan.
2. Pah tiga ring kercen-keren utawi sarin canang panauran - sane kapoliha.

Paos 43

1. Yening wenten jama karawuhan/tedun ring pura tan sanekaning nyanjan tur nawe biuta Desa, keni artha danda lan dewa danda manut pararem.
2. Prade Kahyangan keni durmangala minakadi ke panca baya Pamaneku di selis nyadokang ring prajuru.

Palet 3

Indik Pitra Yadnya

Paos 44

1. Genah neseng sawa/mendem pawongan sane meagama Hindu kewastanin sema/setra.
2. Sang sane jati ngangge sema/setra patut masadok ring prajuru saha tatane manut dresta miwah pituduh prajuru.

Paos 45

1. Pidabdab indik mendem/neseng sawa kasulurang kadi ring - sor :
 - a. Yening mendem sawa tan kadadosang nginepang bambang.
 - b. Mendem/melebu tan dados ngapuanang ring setra sinung - gal.
 - c. Sawan wong rare durung telu bulan, patut kependem pra - mangkin tan nsetang/ngantosang dewasa.
 - d. Sejeroning setra sinunggal yan wenten mendem lintangan ring adiri, patut kemarsiang ngawit saking sane nampek - an ring setra inucap.

- e. Yening setra sinnggal kadi ring ajeng wenten mapendem/ melebu patut ilen pemendeme marglang iihinan wawa raris melebu.
- f. Jadma nandang sakit ila, ulah pati, sawane dados kependem ring setra, kerihinin upacara penebusan.
- g. Yening wenten sawa sampun mapendem, yening jagi keaben, galihnya tan dados buat mewali ke Desa.
- h. Ngelangkar watang mangda maduluran antuk upakara.

Paos 46

Prade wenten sawa jagi kependem ring setra boyo krama desa - Adat Bangal patut naur panukun setra, akeh ipun manut pararem.

Paos 47

1. I Krama Desa sane jagi pacang mayadnya atiwa-tiwa patut ma sadok ring prajuru.
2. Padewasaan pengabenan utawi pemuputnya kasulurang manut pararem.
3. Yening wenten saking boyo krama adat Bangal ngawentenang - yadnya pengabenan ring desa adat Bangal patut :
 - a. Sane ngajak keni penanjung batu akeh ipun manut pararem.
 - b. Sang sane maduwe sawa kekeniang penanjung batu manut pararem.

Paos 48

1. Mendem wiadin ngeseng sawa tan kalugra yening nemunin :
 - a. Pemelaspas Kahyangan Desa Adat.
 - b. Purnama, Tilem, Semut sedulur, kala gotongan, was penganten.
 - c. Prade tan wenten dewasa, dados makinsan ring setra tan - maduluran upakara pengaskara taler tan masadok ring prajuru tur memargi wengi.
2. Ngaskara sawa rare :

Durung tugtug tigang sasih (tiga bulan) antuk upakara ngelungguh.

3. Karya atiwa-tiwa kasukserah ring krama Adat.

Paos 49

1. Pengambilan sesebelan ring Desa Adat, yan wenten sawa mependem, ngawit saking mendem ngantos tizang rahina saking dewasa mendem saha upacara pengelemijian.
2. Yening pengabenan, krama Desa ngambil sesebelan ngawit saking ngulapin/ngankid ngantos tizang rahina saking pelebong saha pengelemijian. Tan ngambil sesebelan yan sampun ngelanus/ngerorasin.
3. Yening sesebelan ngarep, solas (11) rahina.
4. Indik mendem/ngeseng sawa paos 48/paos 49 kasulurang manut pararem.

Palet 4

Indik Manusa Yadnya

Paos 50

1. Desa Adat Bangsal nitenin sinalih tunggil krama ngelaksana yang manusa yadnya manut kabuatannya.
2. Pidabdab penyanggernane, kasulurang manut pararem.
3. Sang pacang ngelaksanayang manusa yadnya sane mabuat, mangda masadok ring prajuru.
4. Sang tungkas ring pidabdab Desa, keni denda manut pararem.

Palet 5

Indik Bhuta Yadnya

Paos 51

1. Desa Adat Bangsal ngelaksanayang bhuta yadnya sekeluire : kabuatan Desa (sesepen sana beberatannya).
2. Indik pengelaksanannya nganutin kabuatan Desa mapesambel ring sastra agama nganutang ring dresta tur kapikukuh olih krama manut pararem.

3. Desa Adat Banjal nitenin sinalih tunggil krama nelaksana yang bhuta yadnya kabuatannya.
4. Pidabdab penyanggrannya manut unjuk lunsur yadnya tur ka sulurane manut pararem.
5. Sang pacane nelaksanayan bhuta yadnya mabuat manada masadok ring prajuru.
6. Sang tungkas ring pidabdab desa keni denda manut pararem.

SARGA V

SUKERTA TATA PAWONGAN

Palet 1

Indik Pawiwahan

Paos 52

1. Desa Adat Banjal nitenin sinalih tunggil krama nelaksana yang Pawiwahan.
2. Indik Pawiwahan Desa Adat Banjal mapezambel Undang-undang Nomor 1 tahun 1974.
3. Tata cara penyelaksanaan Pawiwahan nanutin sastra Asama Hindu miwah dresta Desa tur kapikukuh oleh krama manut pararem.
4. Sang pacane nelaksanayan pawiwahan, manada masadok ring prajuru.
5. Sang tungkas pidabdab Desa keni danda manut pararem.

Palet 2

Indik Sentana

Paos 53

1. Desa Adat Banjal nitenin sinalih Tunggil krama nadesang Sentana.
2. Indik sentana, Desa Adat Banjal mapezamel ring uger-uger keanutane ring dresta Desa saha kapikukuh oleh krama manut pararem.
3. Sang pacane neindikan/nanekat sentana manada masadok ring prajuru.

4. Sang tungkas ring pidabdab Desa keni danda manut pararem.

Palet 3

Indik Pewarisan

Paos 54

1. Desa Adat Bangsal nitenin sinalih tunggal krama nindikang pewarisan.
2. Indik pewarisan Desa Adat Bangsal mapegamel uzer-uzer jagat tur keanutang ring dresta Desa saha kapikukuh olih krama manut pararem.
3. Sang pacang nindikang pewarisan manéda masadok ring prajuru.
4. Sang tungkas ring pidabdab desa keni danda manut pararem.

SARGA VI

WICARA LAN PAMIDANDA

Palet 1

Indik Wicara

Paos 55

1. Sang wenang mawosin sehanan wicara krama adat inggih punika prajuru Desa Adat.
2. Prade sang mawicara tan wenten cumpu ring kertan Desa, kening nunasang wicara inucap ring rumawos.
3. Sahanan wicara mawiwit kecorahan sekeluwire sinangseh nungkasin daging awig - awig, pasuare miwah pararem, kabawosin pramanke tan ngantosang pasadok.
4. Sejabu wicara ring ajeng, patut ngantosang pasadok sang nunas bebawosan.
5. Penepase manéda nyantenang iwang patut, malarapan tri pramana bukti, saksi, ilikita.

Paos 56

Treptining Pawonnan.

1. Ngebasang rare patut masadok ring prajuru Desa.
2. Yening wenten maderbe kepademan patut digelis masadok ring prajuru Desa.

Paos 57

Kelabu Baangan.

1. Yening wenten krama Desa keni Panca baya, patut masadok ring prajuru tur nyuarang kulkul.
2. Suaran kulkul nyihnayang Panca baya, patut ketedunin olih krama Desa.

Palet 2

Indik Pamidanda

Paos 58

1. Desa adat Bangsal wenang niwakin pamidanda ring sang sinanggeh sisip.
2. Paniwak inucap kalaksanayang olih prajuru Desa.
3. Bacaan Pamidanda luires :-.
 - a. Ayahan panukun kesisipan.
 - b. Danda artha.
 - c. Pengaskara.
 - d. Rerampagan.
 - e. Kenora yang.
4. Niwakang pamidanda mangda sor singgihnya manut kasisipan.
5. Jinah sakine pamidanda ngeranjing druwen desa.
6. I Krama Desa sane tan nawur paturunan kantos liwat bates kekeniang danda manut pararem.
7. Prade liwat bates taler tan kataur krama inucap dados kerampang.
8. Pemargin rerampagan keanutang manut pararem.

Paos 59

Indik Tamiu

1. Krama Desa sane nampi tamiu saking tios desa, marerepan, patut masadok ring prajuru Desa/prajuru tempekan.
2. Yening tamiu madunungan lintangan ring asasih, tur ngereh pangupajiwa ring desa adat puniki, patut kekeniang - batu-batu manut pararem.
3. Yening tamiu punika nganutin sukerta desa, polih pasayuban an desa manut pararem.
4. Yening tan tinut kadi ring ajeng, tan polih pasayuban - Desa sang ngajak keni danda manut pararem.

SARGA VII

NGUWAH - NGUWIHIN AWIG - AWIG

Paos 60

1. Neuwah-neuwihin awig-awig puniki kelaksanayang antuk paruman Desa Adat.
2. Awig - awig puniki kemanggih ngawit kalingkupin.

Paos 61

1. Sakaluring sane wenten sederengnya patut keanutang - ring sedaging awig-awig puniki.
2. Saluwir indik kabuatang Desa Adat sane durung kasurat - ring awig-awig puniki pacang kasurat ring pararem.


SARGA VIII

P A M U P U T

Paos 62

1. Awig - awig puniki kararemin duk rahina Buda Keliwon, wuku Metal, tanggal/pengelong ping Kutus, sasih ke Sanga, icaka warsa 1913, tanggal masehe 26 Pebruari 1992, magenah ring Bale Banjar Bangal, Desa Munde, Kecamatan Selemadeg, Kabupaten Daerah Tingkat II Tabanan.

Luwir bang nalindra tanganin :

Bendesa Adat Bangal,

I WAYAN BETENG

KASAKSI ANTUK



Kepala Desa Mundeh,
I KESOT SUWIRYA


Kepala Dusun Bangal
Kec. Selemadeg
I KETUT TINGKAH


Camat Selemadeg,
I WAYAN SUPARHA. BA.
NIP. 600004530.-


Ketua PHDI Kecamatan Selemadeg,
I WAYAN SUGATRI

KAWIKANIN ANTUK

Ketua BPPLA Kabupaten
Dati II Tabanan,

I MADE SUANDRA

Ketua Parisadha ^{HINDU DARMA} Indonesia
Kabupaten Dati II Tabanan

Drs. I MADE SAMBA

Kepala Kantor Departemen
Agama Kabupaten Dati II
Tabanan

Drs. MADE RADA LEGAWA.
KABURIP. 150 187 485

MURDANING PAMIKUKUH

BUPATI KEPALA DAERAH TINGKAT II TABANAN

I KOMANG WIJANA

A. SUSUNAN PANITIA PEMBUAT AWIG - AWIG DESA ADAT BANTAL
DESA MUNDEN, KECAMATAN SELEMADEG, KABUPATEN DAERAH TINGKAT II
TABANAN

Ketua : I WAYAN BETENG
Wakil ketua : I WAYAN RAJENG
Sekretaris : I KETUT KANDERA
Bendahara : I NYOMAN MERAYA
Anggota : 1. I KETUT GELENTEK
2. I NENGAP JEGJEG
3. I NYOMAN SULANDRA
4. I KETUT CANDRA
5. I NENGAP SINDRA
6. I MADE WIJA
7. I WAYAN DUPLAK
8. I KETUT PASTRA

Bantal, 26 Pebruari 1992



Bendesa Adat Bantal



I WAYAN BETENG

B. SUSUNAN PANITIA PERUMUS AWIG - AWIG DESA ADAT BANGAL
DESA MUNDEH, KECAMATAN SELEMADEG, KABUPATEN DAERAH TINGKAT II
TABANAN

- Ketua : I WAYAN BETENG
Wakil ketua : I WAYAN RAJENG
Anggota-anggota :
1. I GUSTI MADE RAKA
 2. I KETUT KANDERA
 3. I NYOMAN MERAYA
 4. I KETUT TINGKAH
 5. I WAYAN KASTA
 6. I NENGAH KALER
 7. I GUSTI KOMANG YASA
 8. I WAYAN SUDIBYA
 9. I KETUT KARYA
 10. I MADE SUDIANA.
 11. I WAYAN WEDA

Bangkal, 26 Pebruari 1992

Bendesa Adat Bangal




I WAYAN BETENG